



OPĆINA NOVO SARAJEVO

BUDŽET ZA GRAĐANE 2016. GODINA



UVODNA RIJEČ NAČELNIKA



Dragi sugrađani,

Budžet je jedan od najbitnijih dokumenata koji predstavlja polaznu osnovu za realizaciju strateških i programskih aktivnosti jedinica lokalne samouprave, a direktno se tiče vašeg života u Općini Novo Sarajevo.

Forma i sadržaj budžeta utvrđena je zakonskim propisima. Pripremaju ga stručna lica i teško je razumljiv za sve građane. Zakonska je obaveza da se isti donosi na transparentan način, uz puno učešće građana.

*Stoga smo dugi niz godina radili na usavršavanju procesa donošenja budžeta. Kao rezultat ove aktivnosti, Općina je još 2012. godine dobila prestižnu međunarodnu nagradu certifikat „**Beacon status**“ za najbolje postignute rezultate u oblasti „Planiranje i usvajanje budžeta u lokalnoj zajednici“.*

Potvrda uspješne prakse je stalni porast zainteresovanih građana za uzimanje učešća u donošenju budžeta kroz javnu raspravu.

S ciljem daljeg unapređenja ovog procesa opredjelili smo se za izradu brošure „Budžet za građane“. Ovom brošurou pokušali smo u skraćenoj formi, jednostavnim jezikom i slikovito predstaviti proces donošenja i sadržaj budžeta, sa izdvojenim, za vas najbitnijim projektima planiranim u budžetu općine za 2016. godinu.

Vodič za budžet namijenjen je svim građanima koji žele biti obaviješteni o planiranim aktivnostima općine na prikupljanju i trošenju novca.

Nadam se da će vam ova brošura objasniti ključna pitanja i tako vam budžet učiniti pristupačnijim i razumljivijim.

Očekujem da ćete se u narednim godinama još više uključivati u budžetski proces i tako doprinijeti novom kvalitetu upravljanja budžetskim sredstvima i razvoju općine u cjelini.

S poštovanjem,

Općinski načelnik
Nedžad Koldžo

SADRŽAJ

POJAM BUDŽETA.....	1
FONDOVSKA KLASIFIKACIJA	2
NADLEŽNOSTI OPĆINE	3
BUDŽETSKI KALENDAR.....	4
BUDŽETSKI PROCES	5
PROCES DONOŠENJA	
NACRTA BUDŽETA	6
BUDŽET ZA 2016. GODINU.....	9
BUDŽETSKI PROGRAMI.....	12
KAPITALNI BUDŽET	17

Pojam budžeta

Općinski budžet je dokument, kojeg na prijedlog Općinskog načelnika usvaja Općinsko vijeće.

Forma i sadržaj budžeta utvrđena je zakonom i sastoji se od općeg, posebnog dijela i kapitalnog budžeta.

- Opći dio budžeta čini Račun prihoda i rashoda, Račun kapitalnih primitaka i izdataka i Račun finansiranja.
- Poseban dio budžeta sastoji se od plana rashoda i izdataka budžetskih korisnika, iskazanih po programima, raspoređenih u tekuće izdatke i kapitalne investicije.
- Kapitalni budžet čine izdvajanja za kapitalne investicije sa izvorima finansiranja za tekuću i naredne dvije godine.


Šta je budžet?



Budžet je temeljni finansijski dokument u kojem su iskazani svi planirani godišnji prihodi i rashodi Općine koje odobrava Općinsko vijeće.



Uvažavajući propise, svi prihodi općine raspoređeni su u fondove koji određuju namjenu i predstavljaju izvor finansiranja svih rashoda i izdataka.



Jedno od najznačajnijih načela budžeta je da isti mora biti uravnotežen – da ukupna visina planiranih prihoda mora biti istovjetna ukupnoj visini planiranih rashoda.

Posebni dio budžeta se sastoji od pregleda budžetskih rashoda grupisanih po budžetskim programima.

Programski dio budžeta je od velike važnosti za građane, jer se kroz ovaj dio budžeta vide svi projekti koje općina planira da realizuje u tekućoj godini.

Nadležnosti općine

Općina Novo Sarajevo, kao jedinica lokalne samouprave u Federaciji BiH, obavlja poslove iz samostalne nadležnosti i poslove koji su joj preneseni posebnim zakonima i propisima.


Uzimajući u obzir cjelokupnu ekonomsku situaciju općina u određenoj mjeri se uključuje u finansiranje projekata i davanje pomoći pojedinim kategorijama stanovništva, koji nisu u direktnoj nadležnosti lokalnih nivoa vlasti.

U narednoj tabeli prikazane su oblasti koje finansira Općina potpuno, većim dijelom (zakonskim propisima podijeljena nadležnost sa višim nivoima vlasti) i u određenoj mjeri (nadležnost drugih nivoa vlasti).

Oblasti	Potpuno finansira Općina (direktna nadležnost)	Većim dijelom finansira Općina (podijeljena nadležnost)	U određenoj mjeri finansira Općina (nadležnost drugih nivoa vlasti)
Opća uprava	✓		
Zdravstvena zaštita			✓
Obrazovanje			✓
Socijalna zaštita			✓
Kultura			✓
Prostorno uređenje	✓		
Komunalne i druge uslužne djelatnosti		✓	
Zaštita okoliša		✓	
Saobraćaj		✓	
Civilna zaštita	✓		

Budžetski kalendar

Budžetski kalendar je vremenski okvir za provođenje konkretnih aktivnosti na pripremi i donošenju budžeta.



Budžetski proces

Polazni osnov u procesu planiranja Budžeta je Integrirana strategija razvoja Općine Novo Sarajevo do 2023. godine. Sudionici procesa planiranja budžeta su sve općinske službe,

Općinski načelnik, Općinsko vijeće sa jedne strane kao i građani i svi drugi učesnici koji daju svoja mišljenja, prijedloge i sugestije u toku javne rasprave.



Šta je DOB ?

Dokument okvirnog budžeta (DOB) predstavlja preliminarni nacrt budžeta za narednu godinu, zajedno s okvirnim planovima za sljedeće dvije godine .

Prvi korak u procesu planiranja budžeta je izrada Dokumenta okvirnog budžeta (DOB). Pri izradi DOB-a, sve općinske službe, uvažavajući strateške pravce i projekte utvrđene Strategijom razvoja Općine, daju svoje prijedloge i plan realizacije projekata za tekuću i naredne dvije godine.

Procjenu prihoda, u skladu sa instrukcijama viših organa vlasti, makroekonomskim kretanjima i strateškim dokumentima viših organa vlasti, vrši Služba za oblast privrede i finansija.

STRATEŠKI CILJEVI RAZVOJA OPĆINE




Nakon prikupljanja svih prijedloga, analize i utvrđivanja prioriteta u skladu sa realno isplaniranim i ostvarivim prihodima, u **junu**, Općinski načelnik donosi Dokument okvirnog budžeta za narednu i slijedeće dvije godine.

U **avgustu** počinju pripreme aktivnosti za izradu Nacrta budžeta za narednu godinu. Projekti koji su usvojeni u DOB, u ovom periodu se detaljnije analiziraju, te utvrđuje period, dinamika i način njihove realizacije.

U **oktobru** Općinsko vijeće, na prijedlog Općinskog načelnika, utvrđuje Nacrt budžeta i Nacrt odluke o izvršavanju budžeta.

Proces donošenja Nacrta budžeta



U **novembru**, u svim MZ se organizuje javna rasprava. U cilju kvalitetnog i organizovanog toka javne rasprave Općinski načelnik kao nosilac aktivnosti provođenja javne rasprave, imenuje radne grupe, te u koordinaciji sa sekretarima i savjetima MZ-a planira održavanje zborova građana u svim mjesnim zajednicama. Utvrđeni termin održavanja zborova građana s ciljem obavještanja i poziva građana kao i svih ostalih zainteresovanih subjekata za uzimanje učešća u javnoj raspravi blagovremeno se oglašavaju na oglasnim pločama MZ-a kao i na ulazima većih stambenih objekata.

Uključivanje što većeg broja učesnika ima za cilj, da se u skladu sa raspoloživim sredstvima, u budžet uvrste svi zahtjevi čijom realizacijom će se unaprijediti infrastruktura i poboljšati cjelokupni ambijent za život i rad na području Općine.

U radne grupe se imenuju pomoćnici načelnika koji su kvalifikovani da daju kvalitetno obrazloženje predloženog Nacrta, kao i da sve zainteresovane upute kako da predlože svoje zahtjeve i prijedloge na zborovima građana.


Date primjedbe i prijedloge na zboru građana, mjesna zajednica sumira i dostavlja Službi za privredu i finansije.



U drugom krugu javne rasprave organizuju se sastanci sa savjetima mjesnih zajednica na kojima se zajednički analizira svaki pojedinačni zahtjev, s ciljem prepoznavanja prioriteta i utvrđivanja konačnog Prijedloga budžeta.

U **decembru**, na kolegiju Općinskog načelnika, se utvrđuje konačan Prijedlog budžeta i Odluke o izvršavanju budžeta, te se isti dostavljaju Općinskom vijeću na usvajanje.

Proces javne rasprave i donošenja Budžeta



Ukoliko vijeće ne donese budžet prije početka fiskalne godine privremeno se, na osnovu odluke o privremenom finansiranju, nastavlja finansiranje poslova, funkcija i programa korisnika budžeta. Odluku o privremenom finansiranju donosi Općinsko vijeće, koja ne može trajati duže od tri mjeseca. Budžet se mora donijeti najkasnije do



Budžet za 2016. godinu


Općinsko vijeće je, na prijedlog Općinskog načelnika, na 36. sjednici održanoj dana 30.12.2015. godine donijelo Budžet Općine Novo Sarajevo za 2016. godinu, a na 40. sjednici održanoj 28.04.2016. godine Odluku o izmjenama i dopunama budžeta Općine Novo Sarajevo za 2016. godinu, kojom su u Budžet uključena nerealizovana sredstva iz prethodne godine utvrđena u Izvještaju o izvršenju budžeta za 2015. godinu.

Ovim putem, predstaviti ćemo Vam planove Općine za fiskalnu 2016. godinu, čime ćete stvoriti jasniju sliku o načinu prikupljanja i trošenja budžetskih sredstava.

Prihodi

Budžet Općine Novo Sarajevo za 2016. godinu iznosi 30.158.000,00 KM i veći je za 7,90% u odnosu na budžet za prethodnu, 2015. godinu, pri čemu je povećanje usmjereno na kapitalne projekte. Planirani prihodi sastoje se od:

Poreznih prihoda	9.715.000,00 KM
Neporeznih prihoda	7.870.004,46 KM
Tekućih potpora	35.000,00 KM
Kapitalnih potpora	1.168.677,56 KM
Prenesenih sredstava iz prethodne godine	11.369.317,98 KM
Ukupno	30.158.000,00 KM




Grafički prikaz 1: Struktura prihoda

- **Porezni prihodi** sastoje se najvećim dijelom od indirektnih poreza, poreza na imovinu i poreza na dohodak. Općina nema direktan utjecaj na ostvarenje poreznih prihoda obzirom da se isti prate i raspoređuju na višim nivoima vlasti.
- **Neporezni prihodi** su drugi najveći izvor finansiranja Općine i njih čine prihodi od imovine, naknade, takse i prihodi od pružanja javnih usluga (naknada za dodjeljeno zemljište, naknade po osnovu prirodnih pogodnosti – renta, naknade za zauzimanje javnih površina, prihodi od iznajmljivanja poslovnih prostora, prihodi od investiranja javnih sredstava, komunalna taksa, naknade za upotrebu cesta...).
- **Tekuće i kapitalne potpore** uglavnom se odnose na grantove drugih nivoa vlasti, namjenjeni su za finansiranje i sufinansiranje projekata od zajedničkog interesa i čine svega 4% ukupno planiranih sredstava.
- **Prenesena sredstva** iz prethodne godine odnose se uglavnom na osigurana sredstva za već ugovorene obaveze i započete kapitalne projekte iz ranijeg perioda, kao i sredstva Civilne zaštite koja se realizuju u skladu sa posebnim propisima.

Rashodi

Pored izdataka planiranih za obavljanje osnovne djelatnosti u skladu sa zakonskim nadležnostima, rashodi su planirani na osnovu ciljeva i projekata utvrđenih u Integriranoj strategiji razvoja Općine do 2023. godine, programima rada i na osnovu provedene Javne rasprave po Nacrtu budžeta.

Strukturu rashoda ilustruje slijedeći prikaz.



Grafički prikaz 2: Struktura rashoda

- **Bruto plaće i naknade** planirane su u iznosu od 6.263.000,00 KM, i čine 20,76% ukupno planiranih rashoda.
- **Doprinosi poslodavaca** planirani su u iznosu od 554.500,00 KM i odnose se na obaveze poslodavca za penzijsko i invalidsko osiguranje, za osnovno zdravstveno osiguranje i za osiguranje od nezaposlenosti.
- **Izdaci za materijal i usluge** planirani su u iznose 5.068.576,95 KM, i čine 16,81% ukupno planiranih rashoda za 2016. godinu. Izdatke za material i usluge čine tekući troškovi energije (električna, centralno grijanje, plin i lož ulje), komunalne usluge (voda, kanalizacija, telefon, ptt usluge, internet usluge, odvoz smeća i deratizacija), usluge prevoza djece koja nisu obuhvaćena gradskim prevozom, za obilježavanje pojedinih manifestacija i goriva za potrebe općinskih službi, nabavku materijala i sitnog inventara za potrebe osnovne djelatnosti od čega je 60% sredstava namijenjeno za potrebe opremanja i pripremanja jedinica civilne zaštite, tekućeg održavanja opreme, osiguranja, bankarskih i ostalih usluga.
- **Tekući grantovi** su planirani u iznosu od 4.495.866,49 KM, te čine 14,91% od ukupnih planiranih rashoda.

Grantovi predstavljaju različite vrste podrške koja se kroz bespovratna sredstva, poreska oslobođenja, stimulatívne kredite, mašine i opremu, promotívne aktivnosti, konsultantske usluge, itd., odobrava korisnicima, a na osnovu kriterijuma koji su definisani od strane institucije (donatora) koja dodeljuje grant.

VAŽEĆE ODLUKE OPĆINSKOG VIJEĆA

Odluka o kriterijima za raspodjelu sredstava - Grant pojedincima
iz Fonda BiZ
(Službene novine KS broj 23/09)

Odluka o utvrđivanju kriterija za raspodjelu sredstava
Grant djeci bez oba roditelja
(Službene novine KS broj 7/10)

Odluka o uslovima, načinu, kriterijima i iznosu sredstava za dodjelu
jednokratne novčane pomoći licima i domaćinstvima
(Službene novine KS broj 13/15)

Pravilnik o dodjeli stipendije - prečišćeni tekst
(Službene novine KS broj 4/06)

Odluka o načinu odabira i praćenja realizacije projekata nevladinih,
neprofitnih organizacija po LOD metodologiji
(Službene novine KS broj 49/15)

Odluka o kriterijima za korištenje sredstava planiranih u Budžetu
Općine Novo Sarajevo za 2015. godinu - kreditna linija za podsticaj u
zapošljavanju privrednim subjektima
(Službene novine KS broj 2/16)

- Najznačajniji rashodi planirani u budžetu općine za 2016. godinu namijenjeni su za razvojne projekte i iskazani su kroz **kapitalne grantove i nabavku stalnih sredstava** (nabavka zemljišta, nabavka građevina, nabavka opreme te rekonstrukcija i investiciono održavanje građevina i komunalne infrastrukture). Ukupno planirana sredstva za ovu namijenu iznose 13.698.002,74 KM i čine 45,42% ukupno planiranih sredstava a analitički su predstavljeni kroz budžetske programe.

Budžetski programi

Budžetski program predstavlja grupu projekata sličnih aktivnosti i usluga čijom realizacijom se ostvaruju zajednički strateški ili operativni ciljevi.

Projekti planirani budžetom Općine Novo Sarajevo za 2016. godinu, grupisani po oblastima, predstavljeni su u dvanaest programa u ukupnom iznosu od 20.279.646,18 KM.

1. U okviru **Programa obilježavanja Dana općine**, planirana su izdvajanja u iznosu od 31.000,00 KM.
2. U okviru **Programa podrške rada parlamentarnih političkih stranki i izborne aktivnosti** planirana su veća izdvajanja u odnosu na prethodnu godinu, jer se radi o izbornoj godini, te je za ovu svrhu planirano 436.000,00 KM.






3. U okviru **Programa socijalne potpore najugroženijim kategorijama stanovništva** ove godine planirano je 406.000,00 KM, što je za 9,43 % više o odnosu na budžet prethodne godine. Ovaj program uključuje realizaciju slijedećih projekata:

Pomoći penzionerima	155.000,00 KM
Finansiranje užina djeci iz osnovnih škola	65.000,00 KM
Finansiranje prevoza učenika koji imaju problema u kretanju	30.000,00 KM
Pomoć djeci sa poteškoćama u razvoju	30.000,00 KM
Dodjelu jednokratnih socijalnih pomoći	100.000,00 KM
Obavezno zdravstveno osiguranje lica u stanju socijalne pomoći	10.000,00 KM
Troškovi postupka na ime zadržavanja lica sa mentalnim zdravstvenim problemima na liječenju	10.000,00 KM
Alternativni smještaj	6.000,00 KM
Ukupno	406.000,00 KM

4. U okviru **Programa potpore boračkoj populaciji** u ovoj godini planirana su sredstva u iznosu od 468.450,00 KM za:

Pomoć pojedincima iz kategorije boračke populacije	150.000,00 KM
Pomoći djeci bez oba roditelja	66.000,00 KM
Realizaciju projekata putem udruženja boračkih populacija sa područja Općine	200.000,00 KM
Sredstva za obilježavanje značajnih datuma, događaja i ličnosti	42.450,00 KM
Grant Fondu memorijala	10.000,00 KM
Ukupno	468.450,00 KM

Strukturu izdvajanja boračkoj populaciji ilustruje sljedeći prikaz:



Grafički prikaz 3: Projekti sanacije devastiranog fonda i zaštite životne sredine

5. U okviru **Programa podrške javnim manifestacijama** planirano je ukupno 147.700,00 KM. Općina Novo Sarajevo već tradicionalno i ove godine organizuje događaje i manifestacije kao što su:



Podjele novogodišnjih paketića predškolskim ustanovama	13.000,00 KM
Family day	10.000,00 KM
Dan dječije radosti	20.000,00 KM
Početak školske godine	15.000,00 KM
Djeca pjevaju sevdalinke	1.000,00 KM
Smotra folklora	2.600,00 KM
Revija kulturno umjetničkog stvaralaštva	2.000,00 KM
Podrška javnim manifestacijama	24.100,00 KM
Ledena čarolija	60.000,00 KM
Ukupno	147.700,00 KM

6. Planirana izdvajanja u okviru **Programa podrške institucijama i subjektima od interesa za razvoj lokalne zajednice** u ovoj godini iznose 912.500,00 KM, što je za 25, 86% više u odnosu na budžet za prethodnu godinu. Ovaj program obuhvata slijedeća grant sredstva za realizaciju projekata:



Grant Gradu za sufinansiranje projekata	10.000,00 KM
Sufinansiranje centara za zdravo starenje	60.000,00 KM
Grant za JU međunarodni centar za djecu i omladinu Novo Sarajevo	200.000,00 KM
Nabavka kino projektor za JU Međunarodni centar za djecu i omladinu	50.000,00 KM
Podrška rada vjerskih zajednica	80.000,00 KM
Medijsko praćenje aktivnosti rada općine	25.000,00 KM
Podrška rada ustanovama kulture od općeg značaja i interesa za BiH	100.000,00 KM
Podrška radu Centra za razvoj karijere	50.000,00 KM
Osnivanje preduzeća za upravljanje imovinom u vlasništvu Općine	130.000,00 KM
Izradu baze podataka od interesa budućim investitorima	7.500,00 KM
Aktivna politika zapošljavanja i razvoja privrednih subjekata sa područja Općine	200.000,00 KM
Ukupno	912.500,00 KM



7. U okviru **Programa projekta za razvoj sporta, kulture i obrazovanja** planirana su sredstva u iznosu od 988.190,00 KM, od kojih je značajan dio planiran na ime stipendiranja učenika i studenata sa područja naše Općine. Također, u okviru ovog programa, Općina je planirala i sredstva za realizaciju projekta kao što su:

Nabavka opreme za osnovne škole	120.000,00 KM
Prevoz učenika	30.000,00 KM
Stipendije	390.300,00 KM
Christine Witcutt	30.000,00 KM
Školska takmičenja	12.890,00 KM
Vanškolske aktivnosti	20.000,00 KM
Adaptacija objekata školskog i predškolskog obrazovanja	120.000,00 KM
Škole alpskog i nordijskog skijanja	15.000,00 KM
Škola plivanja	30.000,00 KM
Podrška udruženjima za realizaciju lokalnih projekata iz oblasti sporta, kulture i obrazovanja	220.000,00 KM
Ukupno	988.190,00 KM

8. **Program prostornog planiranja i uređenja građevinskog zemljišta** obuhvata:

- pripremanje i opremanje zemljišta,
- gradnju rampi za invalidna lica,
- gradnju i održavanje infrastrukturnih objekata,
- gradnju objekata u vlasništvu Općine, kao i
- gradnju i rekonstrukciju drugih javnih objekata.



Sredstva planirana u okviru ovog programa iznose 9.176.048,79 KM, i za 4% su veća u odnosu na prethodnu godinu. Projekte planirane ovim programom analitički su prikazani u dijelu „Kapitalni budžet“.

9. U okviru **Programa sanacije devastiranog stambenog fonda** planirana su sredstva u ukupnom iznosu od 433.356,70 KM za projekte kao što su:

- nužne popravke na objektima kolektivnog stanovanja,
- podrška projektu zbrinjavanja Roma,
- za sanaciju devastiranog stambenog fonda.



10. U okviru **Programa unaprijeđenja stanja lokalnih cesta** planirana su sredstva u ukupnom iznosu od 2.069.712,83 KM i za 8,43% su veća u odnosu na prethodnu godinu. U skladu sa zakonskim nadležnostima općine, ovim programom planirana su sredstva na ime:

- redovnog održavanja cesta,
- vanrednog održavanja cesta,
- održavanja objekata uz ceste, te
- planiranja razvoja lokalnih nerazvrstanih (ili nekategorisanih) cesta.


11. **Program uređenja javnih površina i zaštite okoliša** obuhvata aktivnosti na poboljšanju kvaliteta lokalne životne sredine. Planirana su sredstva za:



- nabavku sadnica i pošumljavanje,
- uređenje lokalnih grobalja,
- redovno održavanje parkovskih površina.

Za ovu namjenu Općina Novo Sarajevo je izdvojila 736.107,83 KM.

12. **Program izdataka za prirodne i druge nesreće** podržava rad civilne zaštite Općine Novo Sarajevo. U svom programu pored izdataka za obuku, vježbe i angažovanje struktura CZ, kao i opremanje struktura CZ, sadrži i sredstva za saniranje klizišta, te sredstva namijenjena za saniranje šteta uzrokovanih prirodnim i drugim nasrećama. Planirani iznos sredstava u okviru ovog programa iznosi 4.474.580,03 KM.



Kapitalni budžet

Kapitalnim budžetom planirana su sredstva za projekte komunalne infrastrukture, izgradnje i rekonstrukcije objekata, unaprijeđenja stanja lokalnih cesta, sanacije devastiranog stambenog fonda i zaštite životne sredine, civilne zaštitu te nabavke stalnih sredstava.


Projekti		Iznos (KM)
1	Rekonstrukcija objekta Boško Buha	1.000.000,00
2	Izgradnja objekta MZ i ambulante u naselju Hrasno brdo	800.000,00
3	Izgradnja dječijih igrališta	596.000,00
4	Grant za izgradnju OŠ za naselje Hrasno brdo - Aneks (sufinansiranje)	550.000,00
5	Izgradnja sportskog igrališta u naselju Pofalići	480.000,00
6	Izgradnja kanalizacione mreže u ulici Olovska.	450.000,00
7	Izgradnja kanalizacione mreže u ulici Velešići	400.000,00
8	Izgradnja kanalizacione mreže u ulici Splitska i Emerika Bluma	300.000,00
9	Grant za izgradnju javne rasvjete (sufinansiranje)	275.000,00
10	Izgradnja šetnice lijevom obalom Miljacke	250.000,00
11	Izgradnja sportske dvorane i nabavka opreme za kuglanu i streljanu	615.000,00
12	Izgradnja parkinga	120.000,00
13	Izrada glavnog projekta za stadion Grbavica (sufinansiranje)	200.000,00
14	Izgradnja reflektora i rekonstrukcija podloge na terenu sa vještačkom travom	200.000,00
15	Grant za FK Željezničar za rekonstrukciju tribina	100.000,00
16	Sanacija objekata školskog i predškolskog obrazovanja (sufinansiranje)	200.000,00
17	Adaptacija objekta Ivan Goran Kovačić	194.000,00

Projekti komunalne infrastrukture, izgradnje i rekonstrukcije objekata

Kapitalni budžet obuhvata projekte koji se odnose na gradnju objekata čiji je vijek trajanja duži od godinu dana i kojim se povećava vrijednost nefinansijske imovine, a obuhvata sticanje infrastrukture opšteg značaja, lokalne infrastrukture, građevinskih objekata, zemljišta i opreme.


Komunalna infrastruktura, izgradnja i rekonstrukcija objekata čini veći dio kapitalnog budžeta u iznosu od 8.653.288,79 KM (60,29%) od ukupno planiranih 14.353.525,94 KM utvrđenih kapitalnim budžetom. Tabelarnim prikazom, predstvaljamo neke od najznačajnijih projekata Općine utvrđene u kapitalnom dijelu budžeta.

Za [unaprijeđenje stanja lokalnih cesta](#) u tekućoj godini izdvojeno je 1.819.712,83 KM. Najznačajniji projekti su tekuće održavanje cesta sa planiranim iznosom od 929.712,83 KM; obnavljanje, zamjene i ojačanje dotrajalih kolovoza sa iznosom od 320.000,00 KM; sanacija pješačkih staza i trotoara sa iznosom od 300.000,00 KM. U narednom grafičkom prikazu predstaviti ćemo vam izdvajanja za navedena tri projekta u tekućoj i prethodne dvije godine.




Grafički prikaz 4: Projekti unaprijeđenja stanja lokalnih cesta

Projekti [sanacije devastiranog stambenog fonda i zaštite životne sredine](#) prema kapitalnom budžetu iznose 903.927,78 KM. Pod glavne projekte spadaju nužne popravke na objektima kolektivnog stanovanja, sanacija stepeništa i rukohvata, nabavka korpi i mobilijara. Na narednom grafikonu možete vidjeti izdvajanja za ova tri projekta u tekućoj, te prethodne dvije godine.



Grafički prikaz 5: Projekti sanacije devastiranog fonda i zaštite životne sredine

Za **projekte civilne zaštite** po kapitalnom budžetu planirano je 2.234.596,54 KM, što je 13,73% više u odnosu na prethodnu godinu. Neki od projekata civilne zaštite su: nabavka opreme za službe zaštite i spašavanja i opremanje u iznosu od 700.000,00 KM; Pomoć i podrška (opremanje) organizacija i udruženja koje učestvuju u akcijama zaštite i spašavanja (policija vatrogasci, crveni krst, ronionci i druga udruženja) u iznosu od 400.000,00 KM; Saniranje klizišta u iznosu od 250.000,00 KM; Sanacija objekta MZ Vraca – prostorije CZ u iznosu od 209.596,54 KM; Transfer za posebne namjene prirodne nesreće, rezerve, saniranje štete u iznosu od 180.000 KM.



Grafički prikaz 6: Projekti civilne zaštite

U kapitalnom budžetu **nabavka stalnih sredstava** iznosi 742.000 KM. Glavna izdvajanja kapitalnog budžeta za ovu namjenu odnose se na nabavku opreme za streljanu i kuglanu za sportsku dvoranu u iznosu od 400.000 KM. Sa ovom nabavkom novootvorena dvorana će dobiti potpunu funkcionalnost uz nove sadržaje.



Budžet Općine Novo Sarajevo možete pronaći na web stranici Općine (www.novosarajevo.ba)

Kontakt: Služba za oblast privrede i finansija

Dječija igrališta



Sportska dvorana Grbavica



Rekonstrukcija objekta Boško Buha



Centar za zdravo starenje Velešići



Memorijalni centar Trg heroja

